

# Multinazionalen interesak zaletuen gainera

Kaleratze behartu baten istorioa da Italiako AC Reggiana futbol taldeak bizitakoa. Europar herritar eta zaletuen autogestiotik eraikitako futbol zelai bakantakoa 2013an Mapei multinazionalaren esku geratu zen. Eraikuntzaren burbuilaren leherketa eta kudeaketa txarra baliatu zituen Giorgio Squinzi enpresariak herriarena zena bereganatzeko.



**Xuban Zubiria**  
@xubanzubiria

Futbol zelai erosi berriari Mapeik ezarri nahi dituen aldaketen aurka kalera aterara dira Italia Iparraldeko Reggio Emilia herriko biztanleak. US Sassuolo futbol taldea ere multinazionalarena da eta Reggiora eramatea erabaki zuten. Hartara, egun zelai berean jokatzeko dute bi taldeek. Azken asteetan giroa nabarmen okertu da multinazionalak Reggianaren sinbolo eta kolore granatea harmailetatik ezabatzeko asmoa adierazi ostean.

Reggio Emiliako Udalaren eskaerari entzungor eginez, estadioaren kanpoaldeko paretetako kolore granatea eta sinbologia kendu ostean, futbol zelaiaren barnealdeko adierazpen granaterik txikiak ere ezabatu egingo dituela adierazi du Giorgio Squinzi jabeak eta leku horietan multinazionalaren publizitatea ezartzeko eskubide osoa duela nabarmendu du. US Sassuolo hauspotu eta AC Reggiana zokoratu beste asmorik ez duen erabaki baten aurrean daudela salatu dute Reggianaren zaletuek.

## AC Reggiana autogestiotik desjabetzara

1993. urtean AC Reggiana-k lehen mailara igotzeko promozioa irabazi zuen.

Garaipen hark hauspotu zuen futbol zelai berri bat eraikitzeko nahia. Elkartearen helburua zen futbol zelaia, erakunde edo kapital handien eskutatik at, modu autonomoan eraikitzea. Autogestioa oinarri, eskualdeko enpresa txiki, abonatu eta zaletuen diru ekarpenekin, 1995. urtean eraiki zuten Stadio Giglio futbol zelaia.

Krisi ekonomikoak eta zuzendari-tzak kluba eta futbol zelaia kudeatzeko hartutako erabakiek AC Reggianaren bideragarritasun ekonomikoa kinka larrian jarri zuten. Taldearen egoera iraultzeko saiakerek porrot egin zuten eta futbol taldea desagertu egin zen. Auzolanean eraikitako futbol zelaia hiriko epaitegiaren esku geratu zen.

Urte batzuk geroago epaitegiek estadioa enkante publikora eraman zuten. Enkante publikoak hartu zuen dimentsioaren jakitun Reggianak uko egin zion parte hartzeari eta Italiako enpresa handi eta multinazionalak hartu zuten parte. Taldearen identitatea errespetatzearen truke eta futbol zelaia goitik behera aldatuko zuen inbertsio plan bat aurkeztu ostean,

2013an Giorgio Squinzi zuzentzen duen Mapei multinazionalak irabazi zuen enkantea. 15 urteren buruan autogestioaren oinarrietan eraikitako futbol zelaia Italiako enpresa indartsuenetakoa batek erosi zuen.

*Cittá del Tricolore* estadioaren (epaitegiak izena aldatu zion) erosketa, Squinzi futbolaren munduan eginiko bigarren transakzio handia izan zen. Urte batzuk lehenago Modena probintziako Sassuolo hiriko US Sassuolo klub xumea erosi zuen enpresariak. Sassuoloko taldearekin egin duen moduan, Reggianako futbol zelaiaren aktibitatea goitik behera aldatu nahi du Mapeik izaerari edo identitateari erreparatu gabe.

## US Sassuolo Reggio Emilia

Reggio zelaia 2013an Sassuoloren etxe bihurtu zenetik, han herriko taldeak ere jokatzeko duela ezkutatzeko saiatu da multinazional italiarra. Inork espero ez zuenean eta Reggianari zein Udalari emandako hitza jan ostean, ekarri zuen Squinzi Sassuolo Reggiora. Enpresak hitz emandako irabazien izenean Modenako taldeak

» Hiriko futbol zelaiaren jabetza Mapeiren esku izatea ez dute onartzen Reggioko herritarrek. Multinazionalaren jabetzako ere baden U.S. Sassuolok hara jokatzera eraman izanak piztu zuen zaletu eta jabe berrien arteko gerra

» Futbol zelai erosi berrian Mapeik ezarri nahi dituen aldaketen aurka kalera atera dira Reggiotarrak



PRIMA PAGINA REGIO

Reggianako zelatuen protesta: "Oggi giochiamo anche noi" (gaur geuk ere jokatzeko dugu).

bere hiria eta zelaia utzi behar izan zituen Reggio Emiliara emigratzeko. Erabaki horren inguruan jarraitzaileek zer esaten duten jakitea interesgarria litzateke.

"Mapei-k bere jabetzak elkartu nahi ditu, horrela irabazi ekonomikoak handituko dituelakoan", zioen "Sassuolo via da Reggio" (Sassuolo Reggiotik kanpora) inizatibaren antolatzaileetako batek pasaden igandean *Gazzetta di Reggio* egunkarian. Mapeik bere jarduna promozionatzeko leku aproposa bilatu du futboleant. Halere, bere asmoak kolokan jarri nahi dituen zailegoarekin egin du topo Mapeik Reggion Emilian. Mobilizazioak antolatzeaz gain, zaletuek Reggio Emiliako udalari esku har dezan exijitu diote.

Gaur gaurkoz *Mapei Stadium* izena hartu duen futbol zelaiaren talde bakoitza jokatzeko duela dirudi. 1990ean kapital handietatik urrun eraiki zen futbol zelaiaren kapitalak berak du azpiratzen. Sassuolok lehen mailan jokatzeko du eta Reggianak 2.B mailan. Reggiana eta inplikazioa ala Sassuolo eta irabazi ekonomikoak. Eta erdian desjabetuta dagoen sentimendua. ■



GAZZETTA DI REGIO

Mapei multinazionalak Reggianaren sinbolo eta koloreak harmailetatik ezabatzeko asmoari erantzunez kalera atera dira zaletuak.